



**MAJLIS PERBANDARAN SEGAMAT**  
**SKIM PERKHIDMATAN**  
**PEMBANTU TADBIR (PERKERANIAN/OPERASI)**

<b>KLASIFIKASI PERKHIDMATAN</b>	:	<b>PENTADBIRAN DAN SOKONGAN</b>
<b>KUMPULAN PERKHIDMATAN</b>	:	<b>PELAKSANA</b>
<b>GRED JAWATAN/GAJI</b>	:	<b>N19</b>
<b>GAJI MINIMUM-MAKSIMUM</b>	:	<b>RM1,352.00 – RM4,003.00</b>
<b>TARAF JAWATAN</b>	:	<b>TETAP</b>

**SYARAT LANTIKAN**

1. Calon bagi lantikan hendaklah memiliki kelayakan seperti berikut:
  - (a) warganegara Malaysia;
  - (b) berumur tidak kurang dari 18 tahun pada tarikh tutup iklan jawatan; dan
  - (c)
    - (i) Sijil Pelajaran Malaysia atau kelayakan yang diiktiraf setaraf dengannya oleh Kerajaan.  
*(Gaji permulaan ialah pada Gred N19: RM 1,352.00);* atau
    - (ii) Sijil Pelajaran Malaysia atau kelayakan yang diiktiraf setaraf dengannya oleh Kerajaan serta Sijil Kemahiran Malaysia Tahap 2 dalam bidang berkaitan atau kelayakan yang diiktiraf setaraf dengannya.  
*(Gaji permulaan ialah pada Gred N19: RM1,408.40);* atau
    - (iii) Sijil Pelajaran Malaysia atau kelayakan yang diiktiraf setaraf dengannya oleh Kerajaan serta Siji Kemahiran Malaysia Tahap 3 dalam bidang berkaitan atau kelayakan yang diiktiraf setaraf dengannya.  
*(Gaji permulaan ialah pada Gred N19: RM1,464.80).*

**SYARAT KELAYAKAN BAHASA MELAYU**

2. Calon bagi lantikan hendaklah memiliki Kepujian (sekurang-kurangnya Gred C) dalam subjek Bahasa Melayu pada peringkat Sijil Pelajaran Malaysia/Sijil Vokasional Malaysia atau kelulusan yang diiktiraf setaraf dengannya oleh Kerajaan.

### **SYARAT PENINGKATAN SECARA LANTIKAN**

3. Pegawai sedang berkhidmat dalam perkhidmatan Bentara Parlimen, Pemandu Kenderaan, Penghantar Notis dan Pembantu Operasi adalah layak dipertimbangkan oleh Pihak Berkuasa Melantik berkenaan untuk Peningkatan Secara Lantikan ke jawatan Pembantu Tadbir (Perkeranian/Operasi) Gred N19, tertakluk kepada kekosongan jawatan, apabila telah disahkan dalam perkhidmatan dan:
  - (a) (i) mempunyai kelayakan di perenggan 1(c); atau
  - (ii) lulus Peperiksaan Khas; dan
  - (b) had umur pelantikan:
    - (i) berumur kurang dari 54 tahun pada tarikh lantikan bagi pegawai yang umur persaraan paksa 55 atau 56 tahun; atau
    - (ii) berumur kurang dari 56 tahun pada tarikh lantikan bagi pegawai yang umur persaraan paksa 58 tahun; atau
    - (iii) berumur kurang dari 58 tahun pada tarikh lantikan bagi pegawai yang umur persaraan paksa 60 tahun.

### **PENETAPAN GAJI PERMULAAN**

4. Gaji permulaan yang lebih tinggi daripada gaji minimum Gred N19 boleh ditetapkan oleh Pihak Berkuasa Melantik berkenaan berasaskan kepada pengalaman kerja berkaitan.

### **TEMPOH PERCUBAAN**

5. Pegawai yang dilantik adalah dikehendaki berkhidmat dalam tempoh percubaan selama 1 hingga 3 tahun.

### **LATIHAN**

6. Pegawai boleh dikehendaki mengikuti latihan yang ditetapkan oleh Ketua Jabatan/Perkhidmatan yang berkenaan.

### **PROGRAM TRANSFORMASI MINDA/PEPERIKSAAN**

7. Pegawai dalam percubaan adalah dikehendaki hadir dengan jayanya Program Transformasi Minda dan lulus peperiksaan perkhidmatan yang ditetapkan oleh Ketua Jabatan/Perkhidmatan yang berkenaan.

### **PENGESAHAN DALAM PERKHIDMATAN**

8. Pegawai yang dilantik adalah layak disahkan dalam perkhidmatan apabila telah:
  - (a) memenuhi tempoh percubaan;
  - (b) hadir dengan jayanya Program Transformasi Minda dan lulus peperiksaan perkhidmatan yang ditetapkan; dan
  - (c) diperakukan oleh Ketua Jabatan/Perkhidmatan.

## **PERGERAKAN GAJI TAHUNAN**

9. Pergerakan Gaji Tahunan adalah tidak automatik dan akan ditetapkan oleh Ketua Jabatan/Perkhidmatan berdasarkan prestasi perkhidmatan.

## **KEPERLUAN KOMPETENSI DAN POTENSI**

10. Pegawai hendaklah memenuhi kompetensi dan potensi yang ditetapkan untuk kenaikan pangkat.

## **KENAIKAN PANGKAT KE GRED N22**

11. Pembantu Tadbir (Perkeranian/Operasi) Gred N19 adalah layak dipertimbangkan bagi kenaikan pangkat ke jawatan Pembantu Tadbir (Perkeranian/Operasi) Gred N22 yang kosong apabila telah:
  - (a) disahkan dalam perkhidmatan;
  - (b) mencapai tahap prestasi yang ditetapkan;
  - (c) memenuhi kompetensi dan potensi yang ditetapkan; dan
  - (d) diperakukan oleh Ketua Jabatan/Perkhidmatan.

## **KENAIKAN PANGKAT KE GRED N26**

12. Pembantu Tadbir (Perkeranian/Operasi) Gred N22 adalah layak dipertimbangkan bagi kenaikan pangkat ke jawatan Pembantu Tadbir (Perkeranian/Operasi) Gred N26 yang kosong apabila telah:
  - (a) mencapai tahap prestasi yang ditetapkan;
  - (b) memenuhi kompetensi dan potensi yang ditetapkan; dan
  - (c) diperakukan oleh Ketua Jabatan/Perkhidmatan.

**TARAF JAWATAN: TETAP**

13. **TARIKH IKLAN/TUTUP PERMOHONAN : 12.07.2022 (Selasa) – 31.07.2022 (Ahad)**

## **CARA MEMOHON :**

- a) Permohonan hendaklah dibuat dengan mengisi borang yang boleh dimuat turun dari laman Web Majlis Perbandaran Segamat di <http://www.mpsegamat.gov.my>. Bersama-sama salinan dokumen-dokumen seperti berikut:-

- i. Kad pengenalan diri;
- ii. Sijil kelahiran ;
- iii. Sijil-sijil persekolahan;
- iv. Sijil Kelulusan Akademik (sijil/Diploma/Ijazah)\* mana yang berkaitan dengan jawatan yang dipohon;
- v. Transkrip keputusan akhir peperiksaan (jika diploma/ijazah sebenar masih belum diterima);
- vi. Satu (1) keping gambar terkini berukuran "passport";
- vii. Dokumen-dokumen sokongan yang lain (jika ada)

b) Permohonan-permohonan hendaklah dihantar kepada:-

**YANG DIPERTUA  
MAJLIS PERBANDARAN SEGAMAT,  
85000 SEGAMAT.**

- c) Permohonan daripada pegawai-pegawai yang sedang berkhidmat dengan Kerajaan/Penguasa Tempatan/badan Berkanun hendaklah dibuat melalui Ketua Jabatan masing-masing mengikut Perintah Am Bab A Bil.18.
- d) Permohonan yang lewat, tidak lengkap atau tidak memenuhi syarat-syarat seperti iklan akan **DITOLAK SERTA MERTA.**
- e) Hanya calon yang layak selepas tapisan sahaja akan dipanggil untuk temuduga.
- f) Pemohon yang tidak menerima jawapan selepas enam (6) bulan dari tarikh iklan ditutup adalah dianggap **TIDAK BERJAYA.**

**PERINGATAN : SEMUA SALINAN DOKUMEN DI ATAS HENDAKLAH DISAHKAN OLEH PEGAWAI KERAJAAN ( KUMPULAN PENGURUSAN DAN PROFESIONAL) ATAU PENGHULU MUKIM/KETUA KAMPUNG.**

  
(YM UNGKU MOHD TAHIR BIN UNGKU MOHD ZAKARIA)  
Yang Dipertua,  
Majlis Perbandaran Segamat

UMT/ja/nmn/iklan jawatan

